



Inatsisartuni ilaasortaq Emanuel Nûko
/Maani

**Tasiilami nunaqarfiinilu inissialiortiternerit pillugit § 37 naapertorlugu
apeqquteqaammut 2022-119-imut akissut**

24-06-2022
Suliaq nr.: 2022 - 12263
Id. nr. 76802496

Asasara Emanuel Nûko

Inatsisartut suleriaasianni § 37 naapertorlugu Tasiilami nunaqarfiinilu inissialiortiternerit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Soorlu akissummi 2022-032-imitut inissianik sanaartortoqassappat
tamanna qanoq pisortanut allaffissornikkut aammalu aningaasatigut qanoq
sunniuteqassava?**

AKISSUT: Matuma kinguliani akissut ataatsimoortoq takuuk.

**Apeqqut 2: Soorlu akissummi 2022-032-imitut inissianik sanaartortoqassappat
tamanna qanoq namminersorlutik inuutissarsiutinik ingerlatalinnut
allaffissornikkut aammalu aningaasatigut qanoq sunniuteqassava?**

AKISSUT: Matuma kinguliani akissut ataatsimoortoq takuuk.

**Apeqqut 3: Soorlu akissummi 2022-032-imitut inissianik sanaartortoqassappat
tamanna qanoq innuttaasunut allaffissornikkut aammalu aningaasatigut qanoq
sunniuteqassava?**

AKISSUT: Matuma kinguliani akissut ataatsimoortoq takuuk.

Apeqquteqaatitit ataatsimoortillugit akineqarput. § 37 naapertorlugu apeqquteqaat 2022-032-mut akissummi akit allassimasut sanaartugassanut tamarmiusunut akinik missiliuinerupput aningaasartuutissanik tamanik imaqartoq, taakkunungalu allaffissorneq ilaatinneqarpoq.

Kiisalu uteqqissavara, akinik missiliukkanik naatsorsuinermi tunngavissat arlallit, sanaartornermut sunniuteqarsinnaasut paasiniarneqartariaqartarmata, taamaattumillu paasiniaanerit naatsorsuinerillu annertunerusut pisariaqartarlutik.

Taamaattumik Inatsisartut suleriaasianni § 37, imm. 2 naapertorlugu nalunaarutigissavara, apeqquteqaatit Naalakkersuisunit akissuteqarfigissalugit ajornarmata.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Erik Jensen